



~ 16
2676
2



16
2676
2



梨雲館類定袁中郎先生全集卷之二

公安袁宏道中郎著 孫憲健菘圃重鐫

五言古

出燕別大哥三哥

長安二月時陽緩北風厲霜刀割地皮古木領
寒氣紛紛驟馬塵曉起如雲碎置酒上南岡別

袁中郎先生全集 卷二 五言古



我好兄弟一母生三人頂踵皆相類發願窮無
生百劫相砥礪言前識鋒機死裏尋關捩居身
如豎銅蓄口唯談義兄性溫而真弟性坦而毅
余性兼寬猛弦韋時相濟墮地便同根飛天亦
共翹一旦忽分首能不添憔悴白馬望吳門慘
淡無邊際畏路如畏虎猜官如猜謎長兄見老
成勸余勉爲吏錢穀慎出入上下忌同異小弟
發狂譚兄言胡乃贅胸臆自可行榮枯安足計

縱使挂彈章亦只數行字八十日彭澤獨非男
兒事言罷日西沉強起各分袂馬尾對馬尾東
西倏異位欲哭近婦人一笑飛寒淚

漸漸詩戲題壁上

明月漸漸高青山漸漸卑花枝漸漸紅春色漸
漸虧祿食漸漸多牙齒漸漸稀姬妾漸漸廣顏
色漸漸衰賤當壯盛日歡非少年時功德黑暗
女一步不相離天地猶缺陷人世總參差何方

尋至樂稽首問仙師

戲題齋壁

一作刀筆吏通身埋故紙鞭笞慘容顏簿領枯
心髓奔走疲馬牛跪拜羞奴婢複衣炎日中赤
面霜風裏心若捕鼠貓身似近羶蟻舉眼盡無
權垂頭私自鄙南山一頃豆可以沒餘齒千鍾
麩與糟百城經若史結廬甌篔簹峰繫艇車臺水
至理本無非從心卽爲是豈不愛熱官思之爛

熟爾

贈汪咸池乃郎

不是干時客零丁向吳越家貧訪故人吞聲學
干謁先鬼能文章清新好氣骨遺篇猶入梓桂
枝已摧折不忍念姓名逢君滋哽咽哀哉勿復
言長風捲愁雪

別龔散木

梅雨濯江干江風細吐寒紅亭一杯酒慘無賓

袁中書先生集卷二
主歡天風吹子墮。倏忽送子還。遊踪如電影。閃爍太無端。子曰爲官苦。予嗟行路難。各自相慰勞。言言沁肺肝。與子如林鳥。升沉各羽翰。別子如湍水。東西異波瀾。何如一合併。白首臭春蘭。萍散有時聚。雲老終還山。江頭風日雨。容易彫朱顏。

陶石簣兄弟遠來見訪詩以別之

五步一花開。十步一花飛。不知誰中子。鬱鬱吐清姿。恬淡僧標格。瀟灑士威儀。手提白玉塵。身披淺色衣。徒步入簡門。揮羽上階墀。僮僕盡魁偉。一一皙而肥。或言是山人。或言星相師。或云鄉里子。聞聲始覺非。通刺無姓名。短紙摺不齊。一揖徑登牀。草草寒暄而執手。不問病捧腹。但言饑設黍。呼兒子蒸魚。命小妻廣長舌。有象突兀語難羈。欲窮人外理。先剖世間疑。五行何因起。天地何高卑。鵠烏何白黑。日月何盈虧。生胡

袁中書先生全集 卷二 四
然而至死胡然而歸天胡然而喜鬼胡然而悲
事無微不究語無響不奇獨不及臧否一切細
碎詞玄旨窮三日清言暢四肢愛君深入理恐
我倦傷脾未作經年別先爲五日辭入宮尋西
子涉水弔鴟夷七十二螺髻三萬六玻璃山水
旣奇敵相得永因依有如重瞳郎配合皇英妃
又如曹阿瞞生逢大耳兒石公貌高古林屋洞
傾歆玉遠消夏灣水齧千人磯浪頭懸間里屋

底腥蛟螭山鬼攀蘿出鮫人傍檻睇卑者如龜
鼉立者如象犀幽者穿海底高者躡雲梯綠橘
黃柑樹青牛白馬祠土人進新果鄉女貢山雞
勝事紛難記名山到始知三朝盡縹渺一雨負
莫釐歸來爲我言山水見鬚眉長公八九紀叔
子二十詩字字傳實跡語語發光輝不獨作者
難讀者亦應稀譚罷理前問愁來申後期還將
赤金子試我白綿鎚拈花憐佛笑摘葉止兒啼

蹶殺紫胡犬踢倒西河獅擊石原無竹悟桃空
有枝一番銅鏡語萬仞箭鋒機病得發而減客
以樂忘疲流連十許日情短六箇時丈夫一滴
淚錯落貴珠璣今日若爲別相顧浩漣而去去
復去去吳江落日低

戲題黃道元瓶花齋

朝看一瓶花暮看一瓶花花枝雖淺淡幸可托
貧家一枝兩枝正三枝四枝斜宜直不宜曲鬪

清不鬪奢仿佛楊枝水入碗酪奴茶以此顏君
齋一倍添妍華

初度戲題

碌碌復碌碌浮生如轉轂帝宏匝地羅人窘彌
天獄墮地三十載強半是顰蹙算喜無十星量
愁有千斛十五歲以前師傅苦拘束朝愁日上
春暮愁書難讀十五歲以後龜手事場屋儒巾
才去頭宦網又纏足千眇得一官萬眇得微祿

誰知微五斗妻子轉枵腹顏色低上官肝腸枯
案牘舉止動得過憎恚若相觸月不十回圓酒
無三朝熟來者不可知去者不可贖欲留色枯
槁欲歸心彳亍一病覺昨非萬勿遂黃鵠勿以
徑寸榮易茲尋丈辱

答江進之別詩

橫將一尺素寫出消魂別淚深筆波紅情苦絹
文裂事君才兩載相期礪高節有過必直陳無

憂不共切密意臭蘭旃奇談飛金屑案牘與文
史一一相商決對客語如綿當機鋒似鍊喜怒
性情真緩急肝腸熱所以小修言江郎吳令傑
官雖暫時離交豈中道輟古井絕迴波深山無
化雪

別江郎

江郎貌奇崛文字多古質十三讀父書十五夢
先筆父母憐愛之保護常在膝何不從我遊扁

舟訪二室

雪夜感懷同黃道元作

孤館寂無人童僕三兩輩白勢壓山來雲冷天
憔悴燈寒字欲青爐死灰相對流火掣空飛錯
落如星碎可惜行樂場都被微官礙歌喉絡飛
蛛誰家佳姊妹

別黃道元信筆題扇上

千里負空囊蹇足投吳令客子既數奇主人復

善病薄俗異臨邛好事乏程鄭逆居垂半載無
人知名姓乞飯隨白足傭經販大聖未免無魚
歌能不馴龍性貧者士之常達豈文章命舌在
卽王侯文成足歌詠去矣莫徘徊無官誰相敬

豔歌

鵲尾唾蘭烟灰冷烟不滅東風多少愁吹落謝
豹血郎寄鮠魚子妾寄西施舌花開不待人青
春忍相別

仲春十八日宿上天竺

三步一號呼十步一禮拜萬人齊仰瞻菩薩今
何在欲尋真大士當入衆生界試觀海潮音不
離浙江外

其二

若以色見我是人行邪道饒他紫金身只是泥
與草朝來自照面三十二種好終日忙波波忘
却自家寶

山陰道

錢塘豔若花山陰芊如草六朝以上人不聞西
湖好平生王獻之酷愛山陰道彼此俱清奇輸
他得名早

霧中望山

霧是醒山酒霧重山如醉登高氣不清萬象爭
規避日無光而毛天不昏而睡雲影疊飛沙風
花洒空淚

昔聞八百里今來八百畝爲問袁阿宏何如賀
監否黃冠吾願學其如多八口形體作僕奴禮
法成枷鈕幸爾略知識效顰辭五斗強作舒眉
詩學飲寬腸酒所以不脫然爲身非我有恩愛
毒其躬父母掣其肘未免愧古人青山空矯首

禹穴

窆石立如人鼻穿腰半折不看碑頭字那知是

禹穴欄楯半摧殘古文盡磨滅山高仰瘦容松
老添孫鬣古屋閉狐妖香臺躡豹跡

第一泄

踏人肩而行次第乃得過射眼風絲飛置足山
毛破跼身繩草移定踰盤泥坐五水勢高低千
峰身頓挫路荒雨氣腥樹老斑皮畏度嶺羨猿
輕投崖愁虎餓常恐決性命歸來始相賀

志別種山閣作

楚國一段雲落地無根蒂。偶爾置臙風吹作塵。
羶氣道逢三鷓鴣。啣我入雲際。携手上仙山。長
嘯起天寐。作用笑三家。功德卑二帝。插身淨丑
場。演作天魔戲。東西南北人。恩情若兄弟。若不
是前因。焉得此奇異。再會是何時。別後有何計。
知心如冰焰。前程若神謎。君看露上枝。無心也
垂淚。

湘湖

而我遊湘湖。恰值湖水小。湘湖舊有名。敢道湖
不好。辟彼如花人。必須眉黛姣。一旦決洪流。山
寧不枯老。白鯉曝腮鱗。漁刀蔽深草。水少已不
堪。何況酒更少。

姚叔父

昔我吏吳門。冠帶填門闕。白髮老山人。聞名面
不識。一朝棄官去。空山翻見跡。何不噓熱官。而
煨寒灰客。

送王靜虛訪李卓師

天地愁結成聖賢愁眷屬舉眼皆鍼鋒何處可
容足儒生有毛病道理充窮腹百慮堆作城萬
想鍛成獄突有大妄人手持無羽鏃欲解大地
羅先肆彌天毒扇海作洪鑪燎山煮精玉何不
觸其嗔懸崖求所欲

餘杭雨

不恨今日雨却恨前日晴無端放隙光誘我餘

杭行餘行有何趣敗寺老和尚若使在西湖亦
得閑眺望出門無去處袖手東西顧桑下見蠶
娘泥滓沾衣袴只是去臨安已覺步步難何況
徑山路千盤與萬盤

其二

一心閑處忙四體山行瘦荒吹破夢歡孤枕逼
蒼霄山靈無好情梅天多異候主僧嗔客留僕
子呼天漏雲不十丈高泥凡尺餘厚縱有健馬

驢揮鞭豈能驟

於潛道中偶成

出門二三月。客行常踰質。問我亦不知。奔波爲何物。越鳥也嘲人。解問爹歸弗。爹豈不思歸。山淫成痼疾。百里一名山。一山須十日。東南半壁地。十分未了一。雲霞朝到眉。魑鬼夜入室。遇伴覓定方。逢仙談飛術。形體節節勞。心神般般逸。名勝尚可窮。遊子興難畢。

歸讀作居。越人呼子規爲爹歸弗。

天目道中和陶石簣韻

萬嶺色嬌榮。千松韻蒼老。溪錦新織成。雲文初脫稿。古屋繫龍兒。幽崖聚仙媪。淡冶天微醒。昏沉霧尙飽。山靈如有情。遊子暫舒惱。梯石路漸高。踰嶺天乍小。微茫一帶青。遠遠出山杪。白雲封其半。恍若衣輕縞。山僧向我言。此是諸山考。四顧盡兒孫。纍纍爭圍繞。一乳作鳳飛。一支學龍矯。萬絡與千支。支支相縈攬。山形雖渾成。石

貌實妍巧初視尙冥迷策騎漸分曉何況陟其
顛遵途亦已好

天目書所見

菩薩與凡庸不知誰正倒牛馬若率真形貌亦
自好獨有知見人不食本分草拾他糞掃堆秘
作無價寶面上曲折多腹內安穩少坐立皆成
文閑話亦打稿演出活法聰難瞞俊閻老

浩歌登天目峰頂

一笑廓天籠邈矣何空曠千山如藻萍點點白
波上世界無安置虛空有等量茫茫蟻虱人妍
醜分何狀邱翟語曰知舜噲禪爲讓禪中閑是
非甕裏狂波浪十年學貢高一朝色沮喪

宿幻住曉起戲題

咄哉袁中郎胡不侵晨起百千大世界吹作瀛
海水披衣起視之果然雲在底彌天布琉璃山
神聖乃爾

玉上人
山下逢老僧爲我設齋供生斷活埋關醒却高
峯夢空嫌毛孔多瘦覺數珠重回首鳴子飛歸
來鼻頭痛

雲上人

一喝二日聾江西立宗派師曠多少時證得觀
自在不受喧寂塵跳出聲聞界笑殺觀世音圓
通却成礙

徽謠戲東陳正甫

操履若雲青肝腸如日杲打臉坐黃堂要把奸
頑掃披霜夜書僉戴星朝畫卯移文四五張禁
約三兩道拊心談民窮攢眉視金寶夏衣半疋
葛冬穿一領襖門子赤脚多皂隸白牌少世人
眼如豆便道太爺好誰知大夫心厭之如糞草
本是雋男兒扮作酸寒老慈悲心愈毒麤豪胆
乍小閉門錄高士留客抒愁抱所事皆明暢無

法不精曉只在一寸心愈參愈不了人品高難
拚佛法近難討處脂不能潤徒勞傷枯槁

贈潘景升

彌天作旅人著處爲眷屬新知與舊歡湊集如
雲族堂上羅楚羞堂下度吳曲東階串僕奴西
階懸馬轂麩縷大如柱盤鮮高於屋鞭車行酒
盃猶恐歡不足咳吐寸寸腸揮毫字字玉不過
沈宋門寧作李王役世人眼如盲相牽入穿獄

豈以甕中雞而易雲外鶴萬事無奈君難君只
有貧轉貧客轉多貧豈奈君何

夢中題尊經閣醒後述之博笑

閣在休
寧儒學

壯哉尊經閣縹緲入烟霧千山列魯儒拱揖不
知數俗競形家言兩塔遙相顧纍土作尖峯上
有叅天樹海陽多賈人織嗇饒積聚握算不十
年豐於大盈庫富也而可求執鞭所忻慕金口
親傳宣語在述而處師與商孰賢賜與回孰富

多少窮烏紗皆被子日誤

喜逢梅季豹

曠里少冶容邯鄲無高步萬耳同一聒活佛不能度摹擬成鈍賊士子遞相誤羶骨蝨迴旋驢脊蒼蠅聚徐渭饒臬才身卑道不遇近來湯顯祖凌厲有佳句賓也曠蕩士快若水東注邱肥與潘髯俱置兄弟數越中有二齡解脫詩人趣立意出新機自治自陶鑄舉世盡奴兒誰是開

口處我擊塗毒鼓多君無恐怖洗眼讀君詩披天抉雲霧不獨愛君詩愛君心相顧衆人嗔我喜天下憎君慕雞壇如可盟旗幟爲君樹

戒五老峯題石

嘗恠楊真珈作備飛來峯名山如有靈請以一丸封齊雲富奇壁題識徧空翠卷石亦不容嶽神有何罪碑文多諛辭金壁增腐氣所幸五老峰筆災尙未至珍重後來人慎勿妄題字山神

已證明後生毋輕易好事倘不然頭骨隨鞭碎

齊雲巖

江濱有異石好事持作供珊瑚木難珠似者卽
矜重齊雲天下巖深壁連紺洞山山瑪瑙紅高
古復飛動只是作盆景鮮妍已堪弄假饒置筐
筐豈不充奇貢幽崖鬼斧窮立壑飛仙慟簾雨
萬絲飛雲彩千年凍

石橋巖

天門卽前闔石橋卽後戶兩門去幾何五五二
十五石老易生雲山髡不藏虎嶽神饒客情閣
起千峰雨

贈章子

越俗上形家貴賤倚爲命郭璞多於毛譚者自
神聖近來陶石簣頗不遵先令獨喜令親章議
論能持正楚人無遠謀相地多任性不識到頭
龍休貪書世盛願得星如金不願砂如印

嚴子陵灘限韻同陶石簣方子公賦

一州數百里山水半呼嚴先生高潔人取名胡
不廉宏也負奇氣氣高心廉纖空有如綿腰了
無似戟髯稽首先生祠自羞自棄嫌高跡如可
履乞我上上籤

其二

不是劉文叔詎說嚴老子羊裘釣灘下一漁戶
而已無用合退藏非是退藏是誰知誤得名來

者趨如市末世競聲稱藏醜翻成美與其作假
龍孰若真蟲蟻

其三

不肯助爲理咄咄嚴子陵臯夔與管商問君能
不能衆狗逐羶羊疾者業先登我才不如狗安
用強奔騰明月雖有照終不笑孤燈不見東陽
殷強出如凍蠅積溺以自監效鳩勿效鵬

其四

因山以爲臺。因水以爲灘。因草以爲絲。因木以爲竿。因拙而辭世。因傲而棄官。嚴翁誠自知。劉叔亦難瞞。寧有同肝膈。而不可羽翰。

贈李雲峯

西湖多奇山。其膚乃在水。杭人伴婦遊。嗜肉不嗜髓。先生每追隨。繭足窮其底。何處識老髯。自虎跑泉始。

其二

追我於天目。因而上白嶽。葛衫芒草鞋。高坐享天樂。敗石齧鞋耳。罡風剪衣角。一味戀冥鴻。何曾伴鳩鷺。

孟生爲尊慈索詩信筆題四韻

少年讀孟書。長大更聰明。他日逢滕子。井田行不行。十年奉慈教。督子若先生。將萱比軻母。知君未嫌輕。

湖上別同方子公賦

舞低楊柳樓心月爲韻

袁中書先生集卷二
寧作西湖奴不作吳宮主。死亦當埋苾粉香。漬
邱土。一住二三月。天食供窮窶。萬五千樹花。百
二十回舞。花爲結子忙。人爲別花苦。辟彼一天
雲。特地吹作雨。彼此俱黑頭。一夜添霜縷。

其二

望望鄂公墳。石龜與人齊。塚前方丈土。澆酒渥
成泥。雖知生者樂。無益死者啼。如彼墳前馬。張
吻不能嘶。天地入海劫。志士合鸞棲。曷爲近湯

火爲他羊與雞。孤山梅處士。事業未曾低。西陵
倡家女。松柏夾廣蹊。紅粉是活計。山花足品題。
笑折蘇公柳。策馬度花堤。

其三

余家塚子山故云

一段青石堤。孃娜千垂楊。十許種名花。紅紫白
成行。借問此誰種。云是監中郎。紗紋織作浪文。
玉砌爲堂安得塚。子山吹來置此傍。醉中發狂
思。醒後益周張。吾身自可移。何必移吾鄉。

其四

葛巾不束毛紗袷常見肘無日不醒花有時坐
枯柳天地一排場誰分旦與丑神仙既荒唐富
貴復難偶杭人有諺言言卑趣則有雷峰變作
糟西湖化爲酒藕花作美人一歌了一口三萬
六千回一回三百斗

其五

天地如懸鵠聖賢若藏闔萬古愁茫茫誰是的

路頭官者爲利縛隱者爲名囚立無點化術禪
有知見憂欲滅身旁影終迷水底樓十年而一
葉在自費雕鏤

其六

年年負空篋滿貯不十金自知荷葉命蓄水終
難任抱牘苦不治抱甕苦不深安得清神藥止
我狂華心苦吟終爲病不苦不成吟飛思入九
淵拈拾到蟲禽聞說三天頂別有無憂林何日

陟其顛洗耳聽仙琴

其七

龍井饒甘泉。飛來富石骨。蘇橋十里風。勝果一天月。錢祠無佳處。一片好石碣。孤山舊亭子。涼蔭滿林樾。一年一桃花。一歲一白髮。南高看雲生。北高見日沒。楚人無羽毛。能得幾遊越。

舟中寄江進之得珠簾字

一月探會稽二月了西湖五日登西目十日曠

天都醉中逢山神。長笑埒其鬚。渴飲仙人漿。寒分玉女襦。奚囊雖小狹。所貯盡奇珠。世無售珠人。欲開復踟躕。前者道新安。有客貌類胡。發篋玩三日。略以寶其膚。具眼非無人。要與慧眼殊。持此試江郎。江郎售也無。

其二

一病袁小安。五載江猶淹。宦味朝朝盡。鄉思刻刻添。有愁到眉稜。無工削爪尖。枕書調倦眼。照

影鑷霜髯東齋草滿徑西堂灰一簾鼠子溺書
篋侍兒匿牙籤少婦乞畫眉雙腕痛花僉管城
頭轉秃空闈笑無鹽俗吏貌態工末世禮法嚴
饒他潘與陶風流豈得兼

過吳戲東江進之

少年作客時浸浸慕若長干旄絡長衢一呵已
神往前者爲吳令始復羨游客覺彼白衫寬恨
我腰帶窄今日過吳下客來官已了從頭細忖

量客比官較好客是一尺雪官是一窟塵欲得
客兼勢同年作主人

答徐伯潤

客徑草許長多君不忘故珍重品字書斜封三
尺素問我客何方昨日西興渡問我友朋誰多
半鷗與鷺東西南北人飄落等飛絮一葉會衝
風再問知何處

贈沈飛霞

江上逢老郎六月雙重布瞳人戢電光飛白寫
輕霧口不絕吟哦喃喃若有訴不知腸幾寬容
得許佳句黃金類讐人抵死不相遇文章如可
典爲君作詩庫

聽朱生說水滸傳

少年工諧謔頗滑稽傳後來讀水滸文字益
奇變六經非至文馬遷失組練一雨快西風聽
君酣舌戰

環翠樓曹平子吳平仲沈飛霞言別得送
字

一別能幾何花蹊密成洞白石與朱欄舉首卽
成夢一種好心情都爲愁所送別意如水寒六
月溪雲凍聚首復何時思來當一慟

又

歸思如奔馬千夫不能控溪飛潮雨涼柳絡烟
條重來時皂蓋迎去惟白雲送銅章聊一戲已

醒不重夢莫以潛之龍而易衰兮鳳

潘景升穀日生同諸公小集得穀字

山雪泮冰鱗江風起羅穀十年九羈旅萍海聚
骨肉白藕雪凍絲紅魚剖膾腹主人前置罍醉
語顛相屬華髮不回根義規無返轂只此七尺
五無兩三萬六世儒罍禮樂爲我導君穀豈惜
一徽言爲君籌已熟導君以達生達是君所足
導君以憂生憂非我所欲澤廣定生龍山高豈

礙鵠

過高郵

白浪洗孤隍萬室魚蝦氣居民若水族來往波
間戲曉風龍子鬪夜雨蚌精至壘石作湖堤豎
柵塘水勢官家一丈石民間一斛淚治渠如治
虜智士無中計千里築黃金猶恐西風厲

過露筋祠

鏡索界黃沙石羊吹古道下有露筋祠荒螭臥

袁中書先生集卷二
深草夜月水花香。西風杉葉老。空房聚牧兒。蒿
根食鄰媪。

過彭城弔西楚霸王

一騅渡江東。猛氣不可觸。隻手挈河山。英王盡
奴伏。鴻門放亭長。肝腸何煜煜。猛虎快吞啖。終
不噬伏肉。劉項敵道基。一先成隕覆。亞夫真聖
眼。西楚亦王局。

濟寧舟中

河口三十仞懸水。如橫嶂。一夜糧船風送我。至
南旺。離家日幾何。倏忽易弦望。水郵無定程。一
閘隔天上。百里飛黃沙。乾風裂綿纒。蚤與人爭
席。泥波充五臟。三十何所成。勞勞密虛望。如彼
上水船。進尺而失兩。

德州舟中清明

俯仰一小籠。焉知弦朔易。空裏躍紅粧。始覺清
明至。累累烏角丸。濁香滿唐肆。麥苗鬚馬鬣。高

蘇東坡先生全集卷二
三十一
低疊青翠柳嫩碧芽馨泉煖土膏膩空郊逢醉
娘鞦斷紅衫墮客中覓舊題開卷省前事夢裏
別杭州一枕西湖淚

夜深同伯修月下觀梨花

涼月浸梨花空庭雪數武皓質而豐肌有似京
城女物忌太鮮明能保不風雨一夕百眴望眼
中生芒鏤薊酒瀉空壘移榻坐堦午瓶甕臥樹
根兒童僵柱礎天歛月漸沉微微動街鼓袖裏

索講章徘徊出亭戶

時伯修爲文華日講

暮春同黃無淨曹季和黃昭質家伯修遊
高粱橋

東風織溪面細緯疊春羅長波將人影直直入
宮河一萬樹垂楊無枝不繫珂闥貴馬嘶風挾
彈睫前過精藍如兜率朱碧鮮且多微沙障西
山羅縠中青娥隨蔭卽張席禮法捐煩苛高車
載美酒傾瀉若洪波歸路及嚴更門尉稍譙呵

袁中郎先生集 卷二
憲令禁肩藍醉卒控疲騾

三月二十八日曹季和邀遊嶽祠置酒靈

慧寺中

一縫納傾城江河倒瓶甕人肩承馬蹄百里接
飛鞞神粧金粉鮮璜璧嵌飛棟天家出名香梅
檀作薪用掖廷千許人緋羅刺文鳳常年三月
終宮監恣獻貢庭中百恠陳歌呼殊萬衆趨走
稠人場昏荒如晝夢禪寺稍空曠置酒羅鮮供

塵埃不到唇高議窺鴻洞席終陳雅戲鉤發每
奇中西日沉朱魄歸鞅尙不動醉餘踏高閣俯
視聽雷閩萬古同一禪安問知與懣

宿西山碧雲寺水亭上

涼夜水浸夢枕上吹寒雨屢變而失真江行聞
篙艫倏然聽松風天目半山許舉首見仙人雲
中捉松鼠醒時月挂簾窮階流一縷石竇激寒
淙空水互吞吐日日居朝市合眼見塵土始悟

山中入夢境亦清楚

出城觀柰子花遇大風至韋公寺而還同
遊爲顧升伯李西卿家伯修

終日惜柰花一身苦牽羈半月始得行垂老翫
姜姬飛鞭出重城修途會封姨撲面吹砂礫熟
馬昏路岐白日恣狂霾爾空塞琉璃舉頭觸橫
柳烏紗罨高枝一步一摧折歇馬憇仁祠山僧
出慰勞白水泛槍旗諸餘小比邱目腓心刺譏

未聞看花人罩眼對春姿馬疲人亦困酌酒却
寬脾不獨負花約兼亦怖天威自我入京來無
日不沙飛四月雙重綿立夏無春時司尹省惟
日愚賤安敢知長歌擊流水驚起雙鷗鷁

古樹

樹老亦如人骨勁皮皴裂百卉爭繁華一枝冷
切鐵強陽發空心紅芽吐枯節有若老翁醉頽
頤照頭雪姿態雖寡妍根株免摧折百遍閱春

風冰凌傲石碣不似天桃花容易與春別

送劉都諫左遷遼東苑馬寺簿

三年憂國計髡髮飄霜霰世事閱飛波場偶觀
時變遼陽雖左謫前箸可借便昔時風聞者眼
可得而見倭奴逼朝鮮虛費百億萬竭盡中國
膏不聞蹶隻箭東人近乘勝虛聲震京甸我兵
折大將腹背兩受戰辟如相撲人舉手先救面
棄遠固不可失近豈爲善公宿負奇策下馬可

措辦志士立功名不在麒麟殿卑官如治場英
雄聽鍛鍊奇謀若可展簿尉何足厭胸臆不得
行三公猶爲賤

夏初黃無淨邀同項立池諸公及家伯修

泛舟三忠祠

京師百戲都所少唯舟筏御水落漕渠淙淙流
一髮凡目未經先雖少亦奇絕何況集棠舟遊
遨似吳越菱蒲得水長鳧鴛避沙熱朱碧好亭

子稀疎出林樾雙航無定質隨波作周折遇樹
即停帆因風或回楫聞水高十仞百斛量珠屑
駿馬下危坡疾雷震空碣西門亦有水寬丈深
寸尺計較今昔遊居然分勝劣長跪謝主人舉
酒旌勞伐朝日照來騎歸途見微月

貞壽詩爲馮太史母

寶髻暗塵灰隻鳳啼曉額舉眼望愁空蒼蒼不
如石篋裝能幾何典髮買書籍孤燈瘦形影寒

幃風雨夕廿年立孤成名字照丹冊宮錦到地
紅霜心與頭白

古詩爲楊中翰母中翰生十日而亡其母
十日無知識那知有慈母稍長聽人言一言一
酸楚辟如少唐兒原不知鄉土從人問問廬悲
咽淚如雨哀怨本由衷焉知涕無從一封黃紙
詔十里白楊風

別方子公

霜天客病難何況千里去空囊唯敗錐飢程如
何度客店指煤烟窮鳥啄冰樹丁丁羸馬鈴終
夜相伴住懷刺二十載畢竟無一遇瀉淚憶黃
金相仇復何故聰明百倍人百算百成悞日日
扶搖風不肯吹飛絮天高畫戟門誰是思深處

大人壽日戲作

堂前冬青樹霜至葉婆娑雞鳴起衣冠兒郎盛
綺羅八十兩大家髭髮如鷺蓑微笑動頰頰鳩
杖手摩挲平明啓扉闥戚黨相經過白馬繫垂
楊雲冠高峩峩或呈履與襦或盛練與綱紛紛
貧族子趨走供鷺鷥門下諸術人諛口若懸河
命宮直田宅晚子更高科東隣老書塾儒衫衣
敗荷方丈詩一篇高聲自吟哦社中諸法友勉
力事禪那光陰如電掣溫言相切磋二壻白湖
來青衫夾兩騾入門疾奔趨不顧坎與坡庖丁
膾魚肉蠻奴治酒醞甕開一徑香決口溜江波

嘉慶己未冬
卷二
三
金綠燦俳優豔綺列青娥開場演蟠桃牙板隨
高歌袖錢出龔李濃酒唾曹何蘭膏盡一斛上
馬五更多京華宦遊子朝夕思舊窠夢中聽笑
聲一寤出雲蘿

冬夜集顧升伯齋中劇譚偶成

瓶火激焦聲。缸焰吐紅膩。吳酒貯楊妃。幽香瀉
荷芰。格外發狂譚。一呼醒羣睡。涼颼入檀林。敗
葉皆香氣。人間塵土事。了不關腸胃。百年深障
習。一分留文字。抽空出妙絲。劈天展高翅。碌碌
彼人奴。餘癩蔽天地。鉛刀笑魚腸。鼻毛遮翡翠。
鑄金哭坡仙。百世想標幟。

戊戌除夕

今夕何所除。匝地除寒氣。除却好年光。不會除
世味。室小聚香多。壚焦聽酒沸。俱佛洗頰婆。插
瓶鮮老卉。脫篋理新裝。藤紙萬餘字。蠟火照鉛
丹。如欲見腸胃。時事不堪書。下筆每驚悸。道書

香齋先生集卷二
參謎機禪理供嘲戲

已亥元日晨起

雞鳴拜聖人同官六七輩絳衫如葛絺鑪香起
青藜古柏老于儒拱揖向庭內花氣熏一城沙
轂市茫昧官卑心亦暇騎馬看年對

燈市和三弟

鄮倅贊二音皆可讀漢書音贊

摩肩盡冠簪呵呼接留鄮空天蔽幃裳高衢泥
馬汗古肆列商周異物窮番漢瞠目不能名橫

陳失真贗僻書與蠹蹟種種覓心翫突然發一
編如窮歸里閉輕紗障朱樓烟裏露微粲笑韻
自空飛幽香度簾蒜不覺履綦疲唯愁眼光慢
衆中慮相失一步幾回喚

二月十一日崇國寺踏月

寒色浸精藍光明見題額踏月遍九衢無此一
方白山僧盡掩扉避月如避客空堦寫虬枝格
老健如石霜吹透體寒酒不煖胸膈一身加數

夏口自序卷二
鑑瀉空潔燕女競遊駮羅韞帶春雪梅花堆鬢
髻波影動文纈青山酣遠客新鳥困啼舌紅塵
視此地如穢與迷迭汲泉烹一杯肺腑沁香冽
不惜看頻頻可消奔競熱

裕陵陪祀示潘尙寶王太學弟小修

長陵一聲鐘百官鞮革厲雷鳴集簪裳空山醒
龍蛻明月度欹巒凹影落虛砌炬光爍松枝千
鳥展平翅紅綬老中官閒語先朝事屈指鼎湖

年仙人幾回淚

崇國寺葡萄園集黃平倩鍾君威謝在杭
方子公伯修小修剝飲

入門似出門莎畦布平遠十畝蕃草龍垂天棼
鬢鬚古根老巉石涼蔭厚深嚙茫茫三夏雲有
舒而無卷分棟理孫枝鑿泉通小畝樹上酒提
偏波面流盃滿榴花當觥籌但訴花來緩一呼
百螺空江河決平衍流水成糟醕鬢髭沾苔蘚

待立盡醒顛不辨盃與箴翹首望禪中天地困
沈酒未覺七賢達異乎三子撰

端陽日集諸公葡萄社分得未字

榴花颭清渠漱漱紅波沸十里菖蒲風一幄芰
荷氣行年三十餘辟若午將未樂事竟虛無勞
勞長世味試把硃砂觴一洗滯腸胃野性發雲
嵐粲若新開卉世事本閒閒無端生怖畏無論
失算非得算亦無謂不有出世人焉知酒杯貴

和鍾君威花字

官貧僻治游僧貧僻種花兩貧戲問取身困意
何奢數畝葡萄棚下馬如到家良朋遞指引佳
會屢停車竹石能幾何使我心忽遐自來慳飲
者嚙酒亦如茶甕瓶高纍纍腹罄臥平沙歡呼
達夜半一里無栖鴉溱文沾白帽禪榻倒烏紗
衫襴沾酒盡或恐到袈裟

和黃平倩落字

諸君且停誼聽我酒正約禪客匏子卮文士銀
不落酒人但盆飲無得濫杯杓痛飲勿移席極
歡勿嘲謔當杯勿議酒屈罰無過却種種皆歡
候違者三大爵

和伯修家字

京師盛重五所在競繁華空庭唯竹石勝之以
清嘉藤陰代帷幄禪板代笙笳荷筒當酒盞藥
草當名花栝柏四五株勝彼百髻了風篁數枝

響陋彼百浮哇彼歌此嘔喁質樸類田家區區
未免俗白酒漬紅砂

和方子公童空

方生老爲客往往狎青童下馬揖平頭興發如
颺風瘦骨載野心一飲百餘鍾微波照顛影線
偶繫虛空十關七負觥脫冠語篁藁從君文字
飲辜負石榴紅

和小修掃字

禪客惡花繁引水植香草。迸階多子。篁棲樹無
凡鳥。碎日搖空庭。波紋如可掃。鸚鵡與鳧鷖。自
鄰自社。保客來非習。靜偶然。合大道。一味出林
風銷盡。諸塵抱。止酒但止甘。聚朋先聚老。

吳人求別詩

聞名不識面。勝於識面者。未晤先惜別。形骸翻
是假。京師沙礫場。風光少秀冶。樂事盡輸吳。薊
酒獨難捨。空囊何所戀。身輕等飛瓦。夜雨潞河

風秋郊吳苑馬

節壽篇 為蕭山沈令廣乘母夫人作

三十年藐諸。一顧一嗚咽。淚濕瑣牕花。紅紫也
成雪。窮巷苦書聲。孤釭語寒鐵。徹帙三五箱。字
字殷痕血。垂老課兒官。霜花冷白髮。湘湖千頃
蕁。不敢餉兒姪。母貞益子廉。源清者流潔。辟如
干霄筠。稚筍亦高節。翬錦落天花。萬古水潭熱。
鄉邦傳盛事。似作昔賢說。試檢孀娥編。女史難

爲烈

又 代作

立孤丈夫難何況婦也隻裊淚看零丁忍作山
頭石塵牕閉孤影幾曾見天碧夜雨絲絡聲窮
巷邱軻籍尺楚起雛皇長風老勁翮五載蕭山
令空齋類禪客近雪無緇流何況霜自白

七月二十一日有憶偶題

霧月曉花啼柳冷鶯夢怯石枕刻相思穠香散
幽帖清思如靜水紅從笑頰起背燈換溥衣倩
郎收璫珥別淚浸蘭被恩愛等蟬翅銀筓撥香
灰寫作天長字塔燈繞層椽紅闌對大道昔時
合歡場今見高塚草楓根聞鬼語鄉音帶淮楚
淄淄女鬼神吹作何山雨

伯修齋中同汪叅知諸兄共譚

石瘦盆池清竹冷秋牕蒨只數本蓼花亦復添
幽豔賢朋三五人肝膽皆如面寶月含琉璃無

心不可見摩礪若許年宦網增塵習學道不出
纏如以輕加茜辟諸生礦金渣汁少陶鍊毛孔
薰旃檀麗公以爲鑑

贈王以明納貲歸小竹林

讀書三十年何曾效一字九萬里衝風不能起
蟬翅人間龍子藏天上司文睡質書典青山勉
就冬官例鳳老泣枯梧強作迴翔計低枝無偉
巢聊減衝雲氣擲巾簪筭皮脫衫買荷芰萬竹

中棲身崖風吹遠唳銷心白傅詩遣老龐公偈
鐵錐題冷篁畫破千竿翠

十景園小集

一門復一門牆屏多於地侯家事整嚴樹亦分
行次益芳種種清金蛾及茉莉蒼藤蔽檐楣楚
楚干雲勢竹子千餘竿叢梢減青翠寒士依朱
門索然無偉氣鶴翎片片黃丹旗榜銀字綈錦
裏文石翻作青山崇兌酒向東籬頽然索清醉

崇國寺同王章甫小修看月

涼月白霜階光膩平於砥古木坐寒禽寫影空
牕裏牙刀劈沉心雲母熏紅紙茶鑪藏古雲一
葉寒吹起角燈抽紫焰凍花老瓶水滑波映琉
璃一片冷光死灰心伴夜禪寒獨吠行履

宿千像寺東鍾刺史

詰曲欬嘔出李羣玉
皺秀瘦透出米元章

詰曲欬嘔路皺秀透瘦石飛巖繡鐵花螺子點
雲額平生米南宮耽幽窮鬼跡石根搜古雲踏

遍秋空碧豁眼見新巒長笑落巾幘貪看不知
晚懸石布茵蕭回首神仙吏青嶂達門闕侍史
朝焚香秋雲幾回白稜稜恠石供聊以施遊客

盤山

分明真山子的的有畫意風霜勻粉丹雲霞綴
錦地一皺一百仞雕鏤入空際瘦骨間青脂蒼
勁有餘媚天紳秣項垂僊藻披襠被虬松百萬
株粘石無根蒂峰峰有活石石石挾仙氣一石

置一山一山一點翠散作諸巒巖分身可千計

盤山頂

摩天抽碧簦俯不見鳥背西日照塔輪影落重
邊外峩髻瘦仙人玉冠蒼水佩貌古骨奇清見
者肅而拜浮空日颺雲足底呈光恠或聚或披
絲或舞或澎湃千里聽風鈴飛花落羶塞一萍
一青山一點一人界

遊天門開

發足自髻石灣環可四里一步一驚魂路荒不
容趾粘壁行刀脊下視深無底狂鏑構虛空癡
石綴癩瘡其沙生以墳其骨汗而泚其草油以
絲其樹糟而圯忽然磽确巖忽然崩騰水忽而
沒九天忽而九淵起健夫引長繩半日一移趾
四肢互相用臂行足以視或如鴨折身或如丁
旋尾或如殼出殼或如蟹引跪又如研古繪蟲
蠹蝕絲理又如讀殷盤聲軋飢奧詭當其快心

意虛空躍繩妓少焉筋力疲蚊虻撼犀兕鬚髮
生烟嵐肌膚碎荆杞百苦到天門相對惟口哆
雙壁削青銅飛鳥不能止一匣銜古光方空如
水洗陰陽工刻轢霜雪恣摩砥萬古貯雲霞石
紋繡青紫敗桐蛇腹段古鈕螭螭螽詰曲史籀
畫斑駁硃砂藻僧言三十年茲石未沾履往時
戚將軍架空一遊此長老傳白猿今來猿亦死
是時七月初寒肌如粟子引指人人危回身面

面鬼歸來問僮僕髭鬚白餘幾破網取珊瑚判
命競奇傀

贈大宗長老

髭髮茁霜根精神出骨上能令見者心自發幽
巖想西山萬螺青得意卽孤往履嶮若平陂寬
衣不持杖道逢破衲人長跪必合掌除却身口
外一銖無餘鏹經行達曙雞念珠長五丈淨月
含寶瓶徹底皆澄朗

初入紅螺嶮

鑿天出古空。意匠窮刻露。曠取長吉魂。幻作鬼
工賦。霜巖透斑鏤。石骨竦清怒。歷劫至於今。彫
鏤不曾住。無石不巧心。轉眄殊態度。一種老健
中。自發嫵媚趣。陰巘夾琉璃。飛仄窘仙步。一死
直青山。梯足於懸樹。

真定大悲閣同王六字年兄及小修弟登
覽有述

一盤三十級。低牕平鳥翅。空裏約數盤。始盡金
色臂。碑文深蘚痕。歷歷隋唐字。樹老北朝根。霜
綉生古翠。飛題接綺疏。斑駁有奇緻。闔古不闕
鮮。真丹無兩寺。憑虛弔古人。觸眼傷新事。擁厖
一談空。稍蠲憂時淚。憶初直省時。把手青卿地。
光華若春條。白面青絲髻。塵土十年餘。鬢毛添
老頰。面皮堆浪紋。陰憂如有蒂。少年可喜譚。入
口皆無味。相逢低兩眉。但訴歸林計。蓮花求主

人長誓作兄弟沐猴暫衣冠了却開箱戲

遊石洲

江神發幻思十里金沙變白波蕩琳球雲燦復
霞濺頭頭螺甲青點點妖唇茜殷殷瑪瑙雲絲
絲交背面風沙誰刻畫霜雪幾陶煉暴精萬餘
年今始歎光絢鄉人陋莫知騷客遠難見付之
蠻賈兒鑿火激流電辟如傾國人埋沒在鄉縣
靈壁與將樂下質得高薦荔枝未登科百果爭

嬌豔開卷讀雲林續作石潭傳

和官谷館字

雲以竹爲郵雪以梅爲館君看竹多處無陰雲
亦滿將雪近柳條柳意自疎緩一種漠漠思盡
屬寒花管儂與君亦然氣味同老懶冷澹足生
活不向晴處暖

雨久初晴

梅花吐冷魄竹子舒烟尾晞影落寒簷微微苔

袁中書先生全集卷二
甲起向虛置楷牀臥聽鳩婦喜發鑪爍古灰一
片沉心死乍聞隣塾言兒童攤潤紙乳鳥背牕
啼花間掠紅紫

題伯學齋居

竹子居數梢且有干雲勢齋居足丈餘迂迴有
餘地閒花不用多一株兩株膩閉戶炙沈心石
眼通雲氣卷中秋水波硯裏春山意晞影生溼
紋衣光沈冷翠

月如窮客引領見長眉及至化苔石一往號菁
林髭鬚如雲白

途中懷大兄

十宵九入夢明明知己逝識得中陰來未審寄
何位前者四月初恍忽上忉利光容若平昔天
服粲遊戲伸紙與我讀奇文千餘字夢中了了
知醒後都不記曾聞釋子言天樂稍濃膩若非
道種深未免天色醉記兄初生時大姑兆奇瑞

麗人躍空飛姑也承以袂苦旅思樂宅返促亦
何異但恐冶心多減却道人氣少日念懽場鳴
泉奔渴驥一臥三年齒肌消如寒蠋從茲稍譚
仙習靜學觀鼻朝坐一絲香暮禪半幅被閤門
社色聲精神轉強銳蒙莊不去手卓有出塵志
幾年客金馬漸識宗門事乞差旣里還刻苦相
摩礪旦尋復昏披研惟空有諦有如羣嬰兒襟
手量鵬翅突聞物格言石火掣飛燧惑魔雖暫

殲狂使方爲厲挈疑過龍湖息求而得刺一白
直東華先雞每戒睡日夜抱一編形神俱焦瘁
眼澀如有沙舌乾無厚味國本旣艱危臣也難
爲退余時官閑局弟也負書至每當聚首時言
必窮幽邃毒語攻沉疴當機無迴避俱悟昔時
非馳馬歇狂轡淨侶偕數人結期向北寺下直
卽停車六時聲如沸合掌化如來白毫與青髻
東林十八賢高舉標奇致披此塵勞衣縛人如

烏尉便欲脫簪紱指彼青山誓或假或休沐次第作歸計余也先羣飛入山選幽翠結茆四五間日日眇歸幟夢魂總不及逝也一交臂嚴親頭觸石聚哭空里肆海內學道人千里緘酸淚弟也冒雪行十日走梟騎不忍見京華何況舊邸第寡婦一屋聲天地爲陰暄立後以祈年殷哀方小替傳聞四月終白旒出淮泗余也借諸衲奔帆如雲駛念公聞我來追至潯陽際十日

抵瓜儀南北舟相次肝腸慟一割石火迭相謂富貴竟何成顛毛不如薙十載無生學劈蓮微見惹痛呼隔聞塵天高日西墜前者潘去華夢中忽見示生平四良友君家得其二賴茲切摩力今亦生善地信我同心人冥墨亦相締祠之柳浪館兄與白蘇四天上雖酷樂勉來一豎義破礦出精金剗却知見崇攜手入蓮邦沙劫爲兄弟

漢陽蕭仲子叅知山亭清話

平平數點山。因水發妖情。鱗鱗萬室瓦。以山增
奇豔。簷際織波紋。盃裏落霞片。風檣對岸出。人
影隔江見。是日雲態繁。薄陰與晴戰。漏光纈水
花。淨眼生微眴。三山五湖舫。只此大江面。幾人
厲霜刃。割盡閑塵習。無髮可畱青。何繩堪繫電。
爲問橘皮仙。江渚幾迴變。

舟中偶成

何云賤勝貴。賤死悲易止。何云頑勝智。頑者多
壽死。暗女與妍夫。相去不盈咫。欲得截憂愁。先
須斷歡喜。行年三十餘。稍稍窺茲理。視官如舍
郵。等子于衣履。舍郵非不住。斷不悲移徙。衣履
非不着。無心計華侈。深谷旣慳緣。鬧途且停趾。
出世我不能。免作勞薪爾。

二

冶姪豈不見。見之如青巒。絲肉豈不聽。聽之如

鳴湍聽水無蕩思。愛山無熱顏。辟如懷抱兒。挈手弄金丸。山雞眩其影。竟死白波間。

人日同度門發足上玉泉

燒却門符紙。匝地競如螳。青眉稚齒兒。堂上誦夫子。余也亦皇皇。趁時治山水。瓢笠共山僧。緇衣附行李。是壑卽吾居。是雲卽吾市。逸思觸東風。吐若爭春葉。冒霜遵修途。十里黃埃起。

二

西眉東衡匡。天公賜我履。道遠不能從。玉泉且經始。幾年說堆藍。未語頰先起。夢中見青溪。石泉帶雪洗。疊身智者洞。扣我先鄉里。鄉人說鄉事。真切彌可喜。問我氏伊何。作講堂者是。隋天台講堂乃袁子雄作

白香山二十四歲作感時詩。余今正其時矣。仍次其韻。

少年沐新髮。鬱若青莎地。一朝盆水中。霜縷忽

三四辟如百里途行行半將至視老猶壯容比
少已憔悴是身如肉郵皮毛聊客寄微官復寄
身寄與寄爲二浮雲畸太空種種非作意鱗鬣
及鬢髮散時等一氣爲樂供朱顏及時勿回避
青山好景光花木饒情致我有戰老策勝之以
無累胸中貯活春不糟自然醉虛舟蕩遠波從
天作升墜

天桂峯謁帝

除却善法堂人間無此麗薨題鑄黃金玉板花
紋地羲和曳長輪銳碧返籠轡霞裏召仙官飛
斷青溪翅茫茫諸夏人綃綺被山翠號呼夾笙
鏞醒却天娥睡燔珠薪水沉千里薰燎氣長髯
老真人曉暢天家事逸典絕云亭功高七十二
鞭山駕龜鼉一笑秦皇帝

南巖

望絕頂及五龍諸宮有述

珠題嵌絕壁人巧依天匠峭綠疊頽嵐青天怯

磨盪濛濛太始雲。曠劫相醞釀。一自闢玄宮。斧
作仙家障。蒼巒夾欹竇。高天入盆盎。終古客清
虛。諸仙幾回喪。真人將上升。先此規圖樣。十二
樓五城。某天如某嶂。宮成付黃冠。仙郵侈供帳。
道裝俗鬚眉。只此輪天上。

遊玉虛巖

一壁繡烟霜。石老嶽嶽露蛻骨。留空巖。青山也
仙去。或纖削而清。或高古而怒。瘦過必成妍。喜
極多由怖咽者。爲奔泉古者。爲杉樹種種出天
成幽奇。互遭遇。翹首告仙真。此地好流寓。未必
三神山。有此奇絕處。

月下

明月照我身。宿鷺熟吾貌。床几落柯文。臨風忽
一笑。淨月貯空潭。如以照銜照。遞互發光明。幽
陰洗晴耀。面石張枯桐。自發淒寒調。疾風傳遠
林。萬類振清竅。

薜葦

柳塘三十畝菱葦翳其半寒毛與垢癥蝕却青
娥面童子厲鎌刃飛光激流電疾風卷殘枯條
忽青天見照我池上人露髻白團扇芰荷一簇
風碧水千丈練送能入東溪招鱉過西堰鱗介
拔族行知有蛟龍遯

秋夜坐月水軒同龔散木劉繩之賦

一綫露雲棱微光漾青樹空翳與庭昏總被風
吹去虛欄當水心是月流連處頻夜厭清光衣
衫浣花露世間濃冶物到眼卽成故無地不追
隨只似如今遇空階欹瘦石寒影清而怒試問
月中妃雞皮凡幾度拋却射烏兒億載牧寒兔

穀日小集五弟春草堂得穀字限韻

七尺捐酒杯一笑三萬六紅袖間緇衫烟水疊
絲肉花光薰冷雲溪紋緯春穀寧爲去水鷗不
作在樊鵠簾波捲青天高空墮寒玉鐵板鷓雞

絃長歌倚脩目柳浪千本柳腰肢舞不足誕傲
貽衆譏達者以爲穀

舟中望黃山

識面三十年登臨纔半次濡雨出層嵐未曾畱
一字青山笑主人何事近相易墨瀋汗巉峴數
盡他家事主人忽沉想爲君構幽麗兀然三四
峯反覆無可記孱陵一萬家家家立生翠倍遠
倍高寒淡冶如秋睡昔我登郡樓微芒見葱髻

越三峽而南千里盡平地見培塿則喜何況發
姿媚見色不見山此是山三昧

九日登高河湫山

高閣俯蒼崖下有桃源路料得避秦人入山從
此去潭水洗山膚膚盡紅霞露老蛟挾瘦石干
古盤渦怒溪上盡漁郎誰識花流處事往白雲
新人去青山故挂却茱萸囊長嘯倚丹樹

穿石

溪上望穿石欹懸如甕子石底望溪山山山如
鏡裏平平翠壘中一峯天矯起淡與奇相值幽
艷忽無比鬼斧鑿天真刻意出新詭一處幻玲
瓏千崖燦花蘂虛空不受雲飛仙無停趾唯有
地籟風終古來遊止時時隨落花飄渡秦人水

水心崖

瓘龍負巨山一往冰潭睡春沫與秋瀾洗盡青
山蛻石膚鑑水光遞互發清麗轉盼分瘦妍生

動各有意我欲舉鐵網拔出珊瑚翠付與種桃
人置之花深地他時攜杵來石上聊一戲

桃花源和靖節韻

一笑叩烟嵐白雲今幾世桃花不肯流溪水無
情逝竅開渾沌亡樸散羲黃廢青山一舍郵仙
家偶來憇白頭老黃冠繭手事耕藝呵呼隨里
胥鞭笞了官稅岫老鷓鴣斑谿淺琉璃吠日供
冠裳騶寧曉菱荷掣緬想紫芝人驟雲幾相詣

袁中書先生集 卷二
洞府簾堂深雲霞空凜厲天人一昏旦人間百
餘歲宇宙何不有謾勞作聰慧迂儒飽世情俗
腸非境界紛紛辨僞真等爲方內蔽常聞列子
風可以駕烟外長驅入仙林徧覓心所契

集小修貧簪谷偶成

東家貸矮屏西家貸華燭髻鬟錯中冠歡場稍
穠縟虛窗浙瀝風四圍遮被襪涼月蔭叢枝十
畝莎庭綠主人季次貧衣馬欣馳逐三秋客渚

宮百金倚吳肉歸來雙羞囊風枝掃空屋微伎
列樽曷情侈歡不足幸有萬竿篁寒梢瀉春淥
湯盡管絃心豁開烟嵐目何處覓清歌微風戛
修玉

夜坐讀少陵詩偶成

嘗聞工書人見書長一倍每讀少陵詩輒欲洗
肝肺體格備六經古雅凌三代武庫森戈戟廟
堂老冠佩變幻風雲新妖韶兒女黛古鬼哭幽

塚羈遊感絕塞古人道不及公也補其廢他工
有遺巧代之以覆載僅僅蘇和仲異世可相配
剪葉及綴花諸餘多瑣碎紛紛學杜兒伺響任
鳴吠入山不見瑤何用拾瓊塊

十二月十七日五弟初度

任運閱年光不識支干易但聞蠟梅香知弟生
辰至二十八番花一開一回麗讀盡古人書識
遍天下事家世安國學鐵硯工文字無射不穿

楊一往看聯轡屈指兔目花黃時甫再歲千里
宿春糧養就天池翅

人日自笑

是官不垂紳是農不秉耒是儒不吾伊是隱不
蒿萊是貴着荷芰是賤宛冠佩是靜非杜門是
講非教詢是釋長鬢鬚是仙擁眉黛倏而枯寂
林倏而喧囂闌逢花卽命歌遇酒輒呼簞一身
等輕雲飄然付大塊試問空飛禽澄潭影何在

曠哉龍屈伸頽焉方外內下惠本介和夷逸乃
清廢

新晴

雞鳴聽遠鐘。淒清入寒嶠。曉枕氣微暄。紛紛簷
鳥笑。花香乍襲人。窗湧一痕照。溫風泣露光塵
斂。青天耀逸思。如繫鷹繫解。心浩浩。出門見平
湖。流水清面貌。村酤白瘦杯。沿堤呼所好。

初春暴熱過靜者居限韻

花氣鬱春蒸。下馬脫吳綾。坐看細格下。時有撲
紗蠅。罄口與木筆。非時聯作朋。雛篁茁雁齒。冶
葉被蒼藤。閒蝶趁風廊。香鬚沾其膺。似彼青娥
子。夢亦戀花繪。盆池供瘦石。斜幌隱龕燈。迴風
送香縷。裊裊青烟騰。研丹竄今文。時軌裂軻曾
雲山刻騷士。穠香惱定僧。

菴中閱經示諸開士

乘急參姪女。戒急怯聞釵。香象截河流。一非剗

名言集卷二
三
衆皆悶觀百喻經奇勝千齊諧八十翁憐兒莊
語間詠俳我願作書魚死卽藏經理勝彼火坑
子以身殉粉娃

喜王以明自村中來同寶方官谷限韻

骨交削濃茜氣交和水鹽魂交破幽石空天徹
捲簾十日九緘題秋水局方奩銳毛刻雲山巧
鏤百戈銛東風鼓蚓竅發我小言詹勉自角妍
媼青娥突老髯櫻桃本凡品况乃經燎醃高枝

蔭寸毛貞名濫宮闈鑄銅哭瘦鳥一往何李殲
搖頭鈍優孟豎兒口可籍女態非瘦肥茶韻出
香甜瀉我傾腸波蜣蛔如可拈應龍乘高雲細
鬣舞盆嶮

別王以明用前韻

一室閉冷雲花月擯無鹽兀坐生泉石榻風吹
水簾花斑繡青銅夜夜吼紅奩微言破塵縷厲
彼昆刀銛野夢牽墟落松寮麗省詹空潭侶水

影垂竿揖枯髯往往抽栗尾拾鮮棄其醜當其
雋發時叱盲排馬闌秀句傳活水死語遭夷殲
騷家心恍惚玄子口吃籍異物垂今直時味飽
軟甜窮恠鑄九鼎等以一毛拈尺水昂巨鱗吐
沫聊自噉

五弟新卜園居余笑曰柰物力不敷何社
中遂以爲韻作詩嘲之仍限四章各四韻
斫紅裁粉竿作意綴春物長短稱身難貧兒貸

朱紱百畹貯虛空買破秋烟鬱莫似雜花林卜

菴典古佛

官谷時以柳浪湖易余古
佛余遂菴之名曰雜花林

二

鑿地出方空日費十蠻力東谿招鷺鷥西谿捕
錦鶻束腹耨青畦圖租雲母食墻屏列胸中日
夜幾雕刻

三

螺子洗春雲空塘繫瘦鷓柳烟不蔽條遮得鴉

蘇東坡先生集卷二
三
雖不裁剪湘波紋蒼根刪古玉附僧覓紫綿筠
籠客西蜀

四

石鑰扃春風籬棘森戈戔閒雲不隸館任意邏
門窰天花爛僧滅逼眼霞紋敷緼衣裹小蠻茆
茨享淳母音模

迎春日舟中宴坐限韻

妖覩樂芒神荆俗乃不典縮頭亂牘中通身如

藏繭面窗理瓶梅幽香度前編野心似綠穉一
夜遍春暎勁風破長雲飛片落如剪霜管刻春
容鐵心寄婉變信手抹溪藤霞舒而雲卷坐俟
山翠濃青天策疲蹇花艸與翎蟲作意爲敷演
夢裡題玉泉枕上百迴輾

入春屢作雪不見梅花仍用雪中韻作古
詩悲之

寒花如古玉未出屢遭刑幽魂訴冷石怨入楚

騷經置驛報花安未曉心先聽夢到訊不到洗
炙瘦園丁雪心膠蠟蒂亂結如頑硯安得鶴膝
枝一洗龍腦腥掃室待天女潔水貯空瓶枕上
見羅浮諸仙門反扃菊格與蘭韻於汝猶鶺鴒
紛紛縛桃李奚啻渭與涇

採桑渡

姊妹行四五朝朝行採桑青絲絡籠底光豔映
道傍去年採桑遲今年採桑早只愁蠶不熟悞

我嫁時襖採桑復採芝照小濕羅衣歡自不吞
華牽儂百丈絲

過二酉師舊齋

士老不曾官女老不曾媒無媒知真性不官見
曠才守道七十載寂寞類寒灰逢山遍琢句得
黍卽啣杯筆絕知麟獲人亡爲國哀科斗餘文
字殘書化草萊馬鬣封三尺文翁安在哉空齋
遺杖履長嘆續歸來

從軍行

百金裝寶刀。千金買駿馬。投鞭瀚海陲。繫馬陰山下。駱駝吼如雲。黃羊陣滿野。膠勁弩牙酸。霜重角聲啞。虜女貌如花。提刀向空耍。白乳滴葡萄。干鍾一時瀉。

道傍柳

濃葉藏曉鴉。青條挽遊騎。一株大道傍。閱盡行人淚。風攪玉蛾翻。烟彈長眉醉。本無別離心。行

人自憔悴

寄子髯

結髮治詩書。交情瀝肺肝。十年事熊膽。何止千餘丸。文字挾飛霜。千頃躍波瀾。白髮禿似塚。青雲路轉艱。舉網珊瑚易。投珠明月難。閑情寄魚鳥。小築避暄寒。過雨常移竹。當窗學種蘭。興來摹柳字。愁至裂囚冠。蹶足憐騏驎。冲天羨鳳鸞。願借扶搖力。爲君送羽翰。

過毛太初見二甥

朝見衛叔寶朗朗來照人髻髮若青絲楚楚足精神作對才五字遽有驚人辭下籌讀左史酌酒誦唐詩阿舅無長處素心差足師居官萬不可談藝一無知爾父敦儉樸山居伴鹿麋郝公誠晚令育長恐情癡似之非賢者不肖乃佳兒

述懷

少小讀詩書得意常孤往手提無孔鎚擊破珊

瑚網香象絕衆流俊鵬起秋莽滯僻畏仁義行止羞罔兩滅火事長途何處稅歸鞅

夢子髯

渺渺山行路青石荷盤盤男兒念同袍訣絕傷肺肝同袍入我夢展轉忽無端欲言不能陳俛首但長嘆踏雪穿松徑長笑倚朱欄四顧無僮僕雲氣黑漫漫揮手辭我去突髮無巾冠出門三兩犬當道吠君還前日送君行君言舉體酸

今宵夢若此得無小未安覺來三嘆息舉

首淚
闌干

狂歌

六藉信芻狗三皇爭紙上猶龍以後人漸漸陳
伎倆噓氣若雲烟紅紫殊萬狀醢鷄未發覆甕
裡天浩蕩宿昔假孔勢自云鐵步障一聞至人
言垂頭色沮喪

答李子髯

若問文章事應須折此心中原誰掘起陸地看

平沉矯矯西京氣洋洋大雅音百年堪屈指幾
許在詞林

草昧推何李聞知與見知機軸雖不異爾雅良
足師後來富文藻詘理競修辭揮斤薄大匠畏
足戒旁岐模擬成儉狹莽蕩取世譏直欲凌蘇
柳斯言無乃欺當代無文字閭巷有真詩却沽
一壺酒攜君聽竹枝

爲官苦

白羽落青松。玄霜化秋草。燕市多衝飈。日暮紅
沙道。男兒生世間。行樂苦不早。如何囚一官。萬
里枯懷抱。出門逢故人。共說朱顏老。眼蒿如筓
長閒愁。堆不掃。

麗陽驛題壁

近驛辯語聲。入驛知面貌。昔當歲祲時。驛人奔
浩浩。牽爺負男女。南出荆門道。公安彈丸地。饑
兒相號召。傭力及賃春。經歷幾寒燥。幸爾值稔

年。次第還井窰。鄉音半相雜。衣服窳然肖。道傍
垂白翁。昔見年猶少。見我感且泣。壺漿相迎勞。
垂頭語老翁。邑中今苦澇。窪田無寸收。高鄉有
蟲耗。部符搜宿逋。縣家敢遲騫。鬻田不售兒
女。輸官鈔壯者。思逃移溝壑。生難料。此鄉小有
年。做邑敢相告。願作廡下兒。驛人勿嘲笑。

鄴郡夢中詩

枕上見青天。明月光流地。空水色相函。千里無

夏中先生全集 卷二
停翳微雲起天末。繚繞忽成字。或散或披絲。或
纍若椎髻。以上夢中作屬思尚未竟。候人催解轡。攜
夢八征途。馬上猶吟嘖。翹首望漳河。停鞭思魏
帝。

夏日過葡萄園賦得薰風自南來

移席就佳蔭。蕭散去巾帶。南風倏然來。令我意
通泰。是風如好語。妙契心所會。又如渴時泉。一
吸沁肝肺。是風何所有。涼雲與清灑。雖然經市
器。冷冷意自在。禪宮有廢圃。植椹以爲柴。虛曠
多容風。雨具不須貸。爾我雖云貧。尙能施掃灑。
更施無繫心。斲聲震地籟。

三教堂詩爲杜總戎日章

支公好駿馬。俗以爲不韻。頭陀手銛戈。標格乃
自儻。將軍起馬上。鐵腕風雷迅。朝踏雪山冰。夜
眠青塚燐。豁然悟無生。心花見鋒刃。辟如擔夫
爭見者。筆意進闕捩。偶相觸石火。不容瞬歸來。

讀詩書如暗得燈燼堂堂三聖人同宗偶異肩
刻影求飛鴻霧眼自生暈白水湧冰輪千江同
一印

方子公自真州入燕客死清源詩以哭之
貧死何足悲所悲爲貧死奄奄一息身奔馳二
千里泣辭鍾山雲夢渡呂梁水百死到清源聞
歌猶蹶起新詩四五帙函封寄楊子蛇蚓不成
書獲麟止於此世相簿屢空冥官豈相禮氣類

自呼召往見東野鬼羸博卽故鄉首邱端可已
肥馬輕裘魂諒非君所喜

秦中雜咏

荒草披秦殿秋花綴漢城我行南山道如閱古
圖經遺跡依稀是長老失其名一步一佇思斷
壘誰締營又如稽蠹簡冥搜損心精雖以意推
求邊傍非故形西都賦所載一一盡歛傾飛燕
舊舞處田夫扶耒畊沉香舊亭子湖石尙娉婷

清風發虛竅其中有性靈

其二

弔古意不禁披榛倚斷枝道逢雪嶺叟笑我真
情癡爾從京師來習見漢官儀未央卽宮闕金
馬卽銅墀圍營卽細柳綺陌卽莊遠西山千萬
髻終南同崔巍下有高粱河卽古曲江池瑤臺
與金屋所貯卽妖姬殘棺斷火壟卽今金紫兒
辟彼膏燭光前者已灰飛後火續新火焰焰同

一輝若以天眼觀青草庄蛾眉飄風遇輕雲無
事哭荒碑

靳尙祠

骨讒猶可懺舌惺豈不悔佞鬼亦相容始知佛
如海至今籬落下不忍種蘭茝

別無念

五年一會面一別一慘然只消三回別便是十
五年念我志叅學黃楊木子禪百遍聽師語終

長中書先生全集 卷二
七
不破糾纏辟彼生盲人生不識紫朱告以朱何
似轉言轉模糊別師既不忍留師復苦難十月
江風多留毛蓋腦寒

別邱大

世人等閒聚亦復等閒別我輩會非常別寧不
痛切天荒古木寒。秋老石皮裂十月江上風酸
卻行人轍常年別妻兒道我肝如鐵今夕送君
去化作紅爐雪。荆樹掇皮真竹子到頭節萬里

黃州程一步一心折

白乳泉

一片青石稜方長六大字何人妄刻畫滅卻飛
揚勢泉久汗泥多葉老鎗旗墜縱有陸龜蒙亦
無茶可試

送梅子馬督木北上

男兒但得志何必知階級往者三殿災梓人進
公秩督木數萬里杞梓被天黑長年千許人餐

餐損郵食日今事戎馬公私做已極減得一絲
毫便是竭心力雀飛無勁毛不若蛟有翼愛君
才調好部署有規則氣猛而陽剛幕府中難得
此是有用人終堪事絕域

別袁中夫

梁鴻伯通橋中夫陸家帶都是失意人一般滯
吳會漢水雖方廣不能浮一芥孤桐旣已摧窮
鳳復何賴回首吳松江衝風折車蓋

哀殤

爲兒虎子作

弱腕繫金鈴青絲綰偏髻胸前兩繡囊猶作長
命字欠爾三斗乳償汝一升淚稚魂半尺餘荒
荒投旅次我嘗靜坐思生死同一例子旣先我
行卽是鬼先輩如彼排場人尊卑乃相遞一去
與一來孰知非天戲

其二

逆旅投主人不待卸鞭箠顏塵尙未浣已復向

他之來如風過林去若鳥辭枝細鬼勝巨人量
汝必有知吾欲痛哭汝恐汝笑吾癡辟彼筵宴
時朱紫櫛巾綦一賓偶先去諸客盡歔歔去者
固太早歔者亦何迷轉眼卽天明請君聽雞啼
夢詩
夢國不離枕枕上覓不得當其在夢時有枕亦
不識醒裏夢元空夢中醒亦滅安知醒天地無
枕在其側夢醒若循環誰幻復誰實

大遊仙詩 有序

向余旣爲仲魚作遊仙詩子公曰余欲用
莊生朝菌蟪蛄意恨不能措詞余信筆得
數十字子公以爲善因書遺仲魚目之曰

大遊仙詩

朝菌羨螻蛄旣爲物所誚衆庶慕長生道寧不
竊笑仙視人則長道校仙則天長短理歸盡計
量抑何小千秋萬歲後人事殊可曉無非霜露

代及以日月杲天如覆口鑄民若浮根草禮法
斲牽纏干戈疊攪擾百年猶恨多矧歌不衰老
所以過量人希心無上道不貪絕粒方唯貴虛
無實外身而身存此是長壽考

經太華

時以典試道華陰不及登山遂有
此作

天地如文人精華不可刊而其秀傑氣常在水
與山華山翠天表五嶽讓高寒當其匠意時百
靈窮肺肝琢以月天斤洗以銀浦瀾抹以洪濛

煙照以日月丸十二樓五城處處映青鬟嘗恐
諸仙人鶴轡憩此間天風刷毛羽千里珮珊珊

二

昔聞華山名今見華山貌何時陟微茫遍償宿
所好手搴青芙蓉玉女隔花笑數盡仙掌文喚
醒希夷覺少時耽子墨頗識徐熙妙幅絹對青
山臨崖親寫照不取色態妍唯求神骨肖俗黛
與凡霞無事點幽奧斷岩着孫登虛空發清嘯

邢州道上大風

南風捲地昏拘折道傍樹吹面如有痕欲拔髭
鬚去此地足黃沙易作風神怒岡陵忽變遷老
馬不知路日暮憩郵亭顏面都非故盆水貯滲
泥雙眼出煙霧詰旦過沙河未至心先怖何事
太行山酣沉了不寤豈無一掬波浣此秋空汚
夢中排九閤芒履沾雲絮投壘擊眠龍驚起如
飛鷺

飲方涓津齋中

山齋多快事彈棋角盃葷衛水齧齧流瓶中見
帆瀉魚鷹窺筆牀溪花亂枰馬開簾觸新韻高
吟對梧櫨

避俗

一朝見俗子三日面生塵所以薰修客長年如
畏人買絲繡高士栽松作比鄰不有滄溟水焉
得橫海鱗

送峩眉僧清源時源請有檀香佛刻鏤甚精

師從峩眉來往返經幾宿茲山聞最高幾許到天竺師行遍天下無乃是神足竦身入梵宮鏤此旃檀佛

黃梁祠

八番邯鄲道半世盧生枕滾滾枕中人渴名如渴飲羲皇北窗下所樂唯甘寢祇恐紛競多做

壞我席裯

可道人影贊

生旣將不來滅豈將得去欲識師真身問取堦前樹手中枯木枝脚下芒草屨面皺而神清是師苦心處

白鹿泉

方池二尺餘池復深無幾一雙金鯽魚曠若遊海底山骨凍秋雲波面香石髓但論活不活安

問淺深水

戲題飛來峯

試問飛來峯未飛在何處人世多少塵何事不
飛去高古而鮮妍楊雄不能賦

其二

白玉簇其巔青蓮借其色唯有虛空心一片描
不得平生梅道人丹青如不識

感興

白日不可挽黃金不可爲夙心探玄理幽與白
雲期衆芳經春歇秋草過時萎富貴非所欲浮
邱以爲師

其三

貪夫競榮利不顧頭上霜書生談不朽眉宇爭
昂昂生前秦項鹿死後臧穀羊所以逍遙叟棲
志沉墨鄉

其二

道逢一古叟開唇論紫朱方上而鏡下將無是
魯儒魯國有微言儒者竊其膚家家饗五城誰
辨魚目珠

其四

俗塵近不得遠之亦爲塵擾擾色界裏具足清
淨人何方起夢幻無法過貪嗔曹邱一滴水自
然智慧津

別黃道元

附

驛路柳條如鞭江上奔帆似馬西蕩聚首許時
興闌各自歸也明春有事天台便過龍湫度夏
公家半宦半儒卜居在城在野雁蕩或東或西
雙門之上之下

梨雲館定袁中郎全集卷之二終

--	--	--

